
Saksnr: 2020/776-6
Saksbehandlar: Roald Breistein

Saksgang

Utval	Utv.saksnr.	Møtedato
Kontrollutvalet		

Evaluering av omlegging av fv 567 gjennom Hosanger

Forslag til vedtak

1. Kontrollutvalet tar informasjonen frå fylkesrådmannen når det gjeld evaluering av omlegging av fv 567 gjennom Hosanger til orientering.
2. Kontrollutvalet ber fylkesrådmannen koma med ny skriftleg statusrapportering når det gjeld vidare oppfølging av det som gjeld gråsteinsmuren, til møte i utvalet 12.10.2020.
2. Den skriftlege rapporteringa vert å sende sekretariatet innan 21.09.2020.

Samandrag

Kontrollutvalet har handsama fleire gonger sak om at det ikkje er gjort evaluering av omlegginga til ca 50 mill kr av fv 567 gjennom Hosanger. Denne saka er ei vidare oppfølging av denne saka.

Hogne Haktorson
Kontrollsjef

Roald Breistein
seniorråddevar

Saksframlegget er godkjent elektronisk og har difor inga handskriven underskrift

Vedlegg

- 1 Brev frå Mjøs til kontrollutvalet 25.08.2019
- 2 Status per primo mai 2020 - Fv. 567 Hosanger sentrum
- 3 Brev frå Osterøy kommune 21 04 20

Saksutgreiing

Bakgrunn for saka

I samband med handsaming av «RS 18/19 Statens vegvesen evaluerer ikkje omlegginga til ca 50 mill kr av fv 567 gjennom Hosanger» i møte i kontrollutvalet i Hordaland fylkeskommune 07.05.2019 vart det gjort slikt vedtak:

«Kontrollutvalet ber konst. fylkesrådmann skriftleg orientere til neste møte om sitt syn på saka og om, og i tilfelle kva som er gjort/vil verta gjort frå Hordaland fylkeskommune si side i saka. Den skriftlege orienteringa vert å sende sekretariatet innan 23.05.2019.»

På bakgrunn av vedtaket over handsama kontrollutvalet saka i møta 12.06.2019, 02.09.2019 og 25.11.2019, der det i siste møte vart protokollert dette:

«Konst. fylkesrådmann i Hordaland fylkeskommune, Ingrid Holm Svendsen, prosjektleder/fylkesrådmann i Vestland fylkeskommune, Rune Haugsdal, fylkesdirektør samferdsel, Håkon Rasmussen, frå samferdselsavdelinga, Jon Martin Jakobsen, frå Statens vegvesen, Grete Vikane, og frå Statens vegvesen, Siri Kropelin Bernås orienterte om sitt syn på evalueringa av omlegging av fv. 567 gjennom Hosanger og svarte på spørsmål frå kontrollutvalet.

Fylkesrådmann Rune Haugsdal konkluderte med at dei vil rette opp det som kan karakteriserast som manglar i høve inngåtte kontraktar for dei 19 punkta det er stilt spørsmål ved. Det kom også fram at ein ser at prosjektstyringa på dette vegprosjekt, og andre vegprosjekt ikkje har vore god nok, jf. forvaltningsrevisjon Hordaland fylkeskommune - Planlegging av investeringar frå 2016.

Kontrollutvalet oppmodar om at fylkesrådmannen i Vestland fylkeskommune, til første møte i 2020 i det nye kontrollutvalet, sender til utvalet ei skriftleg vurdering når det gjeld manglar i høve inngåtte kontraktar for dei 19 punkta som det er stilt spørsmål ved.

Etter dette vart slikt vedtak samrøystes vedteke.

- 1. Kontrollutvalet oppmodar om at fylkesrådmannen i Vestland fylkeskommune, til første møte i 2020 i det nye kontrollutvalet, sender til utvalet ei skriftleg vurdering når det gjeld manglar i høve inngåtte kontraktar for dei 19 punkta som det er stilt spørsmål ved.*
- 2. Det vert oppmoda om at det skriftlege svaret vert å sende sekretariatet innan 27.01.2020.*
- 3. Informasjonen vart elles teken til orientering.»*

Kontrollutvalet i Vestland fylkeskommune handsama saka i møte 13.02.20 der det vart gjort slikt vedtak:

- 1. Kontrollutvalet ber fylkesrådmannen koma med ny skriftleg og munnleg statusrapportering når det gjeld vidare oppfølging av punkt 2 som gjeld gråsteinsmuren, til møte i utvalet 08.06.2020.*
- 2. Den skriftlege rapporteringa vert å sende sekretariatet innan 18.05.2020.*
- 3. Etter ei totalvurdering, seier kontrollutvalet seg samd med fylkesrådmannen i at det er svært vanskeleg for Vestland fylkeskommune å svare meir detaljert på dei andre punkta. Kontrollutvalet seier seg difor ferdig med den delen av saka.*
- 4. Kontrollutvalet gjer merksam på at ei formell klage på prosjektet ikkje vil verta handsama av utvalet, då kontrollutvalet ikkje er eit klageorgan.*

Vedtakskompetanse

Kontrollutvalet gjer vedtak i saka, jf. Kommunelova § 23-2.

Vurderingar og verknader

På bakgrunn av vedtaket over har vi motteke notat med vedlegg frå fylkesrådmannen dagsett 08.05.2020, jf. vedlegg 2 og 3. I tillegg har vi til orientering også denne gongen lagt ved brev frå Mjøs til kontrollutvalet 25.08.2019, vedlegg 1.

Av notatet går det fram at det framleis ikkje er funne ei løysing når det gjeld oppfølging av det som gjeld gråsteinsmur under naust. Dette skuldast m.a. at der er uklare eigarforhold for nausta i

området, både når det gjeld eigar av grunn og når det gjeld eigar av naust. Det er difor planlagt å gjennomføre ei befarung i området, men dette har til no ikkje latt seg gjennomføre grunna koronasituasjonen.

Det er også avtalt at fylkesrådmannen kjem i møtet for å orientere munnleg om denne saka.

Konklusjon

Dersom det ikkje kjem fram noko vesentleg nytt i fylkesrådmannen si orientering vert det tilrådd at kontrollutvalet tar informasjonen til orientering. Vidare vert det tilrådd at fylkesrådmannen kjem med ny skriftleg statusrapportering når det gjeld vidare oppfølging av det som gjeld gråsteinsmuren til møte i kontrollutvalet 12.10.2020.